

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

**Foru Gobernu Kontseiluaren 48/2022 Erabakia, otsailaren 8koa. Onespena ematea 2022ko ekitaldian Arabako merkataritza sektorean TicketBAI abian jartzeko ezohiko laguntzen deialdiari**

Arabako Foru Aldundiko Enplegu, Merkataritza eta Turismo Sustapenaren Zuzendaritzaren eskumenen esparruan dago autonomoen araubidean lan egiten duten pertsonen jarduera bultzatzen duten ekintzak eta ekimenak garatzea, bai eta hurbileko merkataritzaren lehiakortasuna handitzea ere.

Apirilaren 21eko 13/2021 Foru Arauren bidez, ondasun eta zerbitzu emateak dokumentatzen dituzten fitxategi informatikoen osotasuna, haiek gordetzea, haien trazabilitatea eta bortxaezintasuna eta haiek igortzea bermatuko dituen sistema informatiko bat erabiltzeko betebeharra ezarri zen.

Era berean, Diputatuen Kontseiluaren urriaren 5eko 48/2021 Foru Dekretuaren bidez, TicketBAI betebeharra garatzen duen araudia onetsi zen, jarduera ekonomikoa egiten duten pertsona fisiko eta juridiko guztiek fakturazioa fakturazio programen bidez egin dezaten, jarduera kontrolatzeko behar den zerga informazioa duen fitxategia sortzeko.

Lege betebeharrak eta betekizun tekniko horiek ahalegin ekonomikoa dakarkiete gure saltokiei, eta, beraz, Arabako Foru Aldundiak komenigarritzat jo du laguntza lerro bat abian jartzea, softwarea erosteko dirulaguntzak emateko eta, horrela, TicketBAI martxan jartzen laguntzeko.

Arabako Foru Aldundiak, Foru Gobernu Kontseiluaren azaroaren 12ko 49/2019 Foru Dekretuaren bidez, onarpena eman zien Enplegu, Merkataritza eta Turismo Sustapenaren eta Foru Administrazioaren Saileko Merkataritza eta Turismo Sustapenaren Zuzendaritzaren eskumenen eremuan emango diren dirulaguntzak arautuko dituzten oinarri orokorrei.

Oinarri horiek onartzearen ondorioz, eta ahalik eta zabalkunderik handiena ematearren eta publikitatearen, lehiaren, objektibotasunaren, berdintasunaren eta diskriminaziorik ezaren printzipioak betetzeko, laguntzetarako deialdia ezarri behar da, TicketBAI martxan jartzeko ekimen horiek berari lotu beharko baitzaizkio.

Horregatik, dagozkidan ahalmenak erabiliz, hauxe

#### XEDATZEN DUT

Lehenengoa. Onestea Arabako merkataritza sektorean 2022ko ekitaldian TicketBAI martxan jartzeko aparteko laguntzen deialdia, lehia askeko prozedura bidezkoa, erabilgarri dagoen aurrekontu esparrura mugatuta.

Bigarrena. Deialdi hori arautzen dute Enplegu, Merkataritza eta Turismo Sustapenaren Zuzendaritzak dirulaguntzak emateko aplikatzen dituen oinarri orokor arautzaileek (Foru Gobernu Kontseiluaren azaroaren 12ko 49/2019 Foru Dekretua) eta ebazpen honen eranskinean xedatzen denak.

Hirugarrena. Ebazpen honen bidez arautzen diren dirulaguntzak Arabako Foru Aldundiaren 2022ko aurrekontuko 30502. G/431300/77000304 (xedapen erreferentzia: 105.297/000) gastu partidaren kontura ordainduko dira, eta zenbatekoa 200.000,00 euro izango da.

Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko100era arte, baldin eta beste aurrekontu partida batzuetan gerakinik badago.

Laugarrena. Ebazpen honek administrazio bidea agortzen du, eta honen aurka, herri administrazioen araubide juridikoari eta administrazio prozedura erkideari buruzko urriaren 1eko 39/2015 Legeak 123. artikuluan dioenarekin bat etorritik, aukerako berraztertze errekurtsioa aurkez daskioke egintza eman duen organoari, ekintza hau argitaratu eta hurrengo egunetik hilabete pasatu baino lehen, edo, bestela, zuzenean aurkaratu daiteke Gasteizko administrazioarekiko auzietarako epaitegietan, ekintza hau argitaratu eta hurrengo egunetik bi hilabete igaro baino lehen.

Bosgarrena. Ebazpen hau ALHAOn argitaratuko da eta argitaratu eta hurrengo egunetik aurrera izango ditu ondorioak.

Vitoria-Gasteiz, 2022ko otsailaren 8a

*Diputatu nagusia*

**RAMIRO GONZÁLEZ VICENTE**

*Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren saileko foru diputatua*

**CRISTINA GONZÁLEZ CALVAR**

*Enplegu, Merkataritza eta Turismo Sustapenaren zuzendaria*

**JUAN FELIPE GARCÍA MIRAVALLES**

## ERANSKINA

### ARABAKO MERKATARITZA SEKTOREAN 2022KO EKITALDIANTICKETBAI MARTXAN JARTZEKO APARTEKO LAGUNTZEN DEIALDIA

#### 1. artikulua. Xedea

Deialdi honen helburua da Arabako merkataritza sektoreko enpresei eta autonomoei TicketBAI abian jartzearekin lotutako software inbertsioak finantzatzen laguntzea.

#### 2. artikulua. Aurrekontu partida eta gehieneko zenbateko osoa

2.1. Foru Agindu honen bidez arautzen diren dirulaguntzak Arabako Foru Aldundiaren 2022ko aurrekontuko 30502. G/431300/77000304 (xedapen erreferentzia: 105.297/000) gastu partidaren kontura ordainduko dira, zeina 200.000,00 euroz baitago hornitua.

Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko100era arte, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

#### 3. artikulua. Erakunde onuradunak

3.1. Honako hauek izan daitezke erakunde onuradunak, beren jarduera txikizkako merkataritza sektorean garatzen badute.

a) Langile autonomoak, baldin gehienez ere 8 enplegatu badituzte.

b) Sozietate zibilak edo ondasun erkidegoak, gehienez ere 9 autonomoz osatuak.

c) Merkataritza sozietateak, baldin enpresan dituzten partaidetzak autonomoen araubide berezian kotizatzen duten gehienez ere 9 langileri badagozkie (edo araubide orokorrean, kooperatiben edo lan sozietate mugatuen kasuan).

Enplegatutako pertsonen datu horretarako, kontuan hartuko da laguntza eskaera aurkeztu aurreko hamabi hilabeteko batez besteko plantilla. Batez besteko plantilla egiaztatzeko, Gizarte Segurantzaren Diruzaintza Nagusiak egindako egiaztagiria bat erabiliko da, laguntza eskatu aurreko urtean izandako batez besteko plantillari buruzkoa (erakunde eskatzailearen kotizazio kontu guztiak barne). Erakundeak alta geroago eman badu, gizarte segurantzaren alta eman zuen egunetik eskaera egin zen egunera arteko aldirako egiaztagiria eskatu beharko da.

Eskaera bat baino ezingo dute aurkeztu b) eta c) idatz zatietan zehaztutako onuradunek, berdin diolarik erakundeak autonomo batek baino gehiagok osatzen badituzte: langile autonomoen eta kontratatutako pertsonen baturak ezin du 9 langileko kopurua gainditu.

3.2. Erakunde onuradunek gutxienez salmenta puntu finko eta fisiko bat izan beharko dute eta/edo zerbitzuak eta/edo artisautzako lantegia Arabako udalerrietan, eta jarduera ekonomikoaren gaineko zergaren epigrafe hauetakoren batean alta emanda egotea:

– Lehenengo ataletik, honako talde hauek:

- 64 taldea. Janariaren, edariaren eta tabakoaren txikizkako merkataritza, establezimendu iraunkorretan egina.

- 65 taldea. Elikadurarako ez diren ekoizkin industrialen txikizkako merkataritza, establezimendu iraunkorretan egina (salbu eta 654 eta 655 taldeak).

- 97 taldea. Zerbitzu pertsonalak (salbu eta 974 taldea).

- 755 taldea. Bidaia agentziak.

– Bigarren ataletik, 86 taldea. Lanbide liberalak, artistikoak eta literarioak.

3.3. Onuradun guztiak Araban izan beharko dute zerga egoitza eta zerga betebeharrak eta Gizarte Segurantzarekikoak egunean eduki beharko dituzte, bai dirulaguntza emateko ebazpena hartzeko garaian, bai dirulaguntza ordaintzeko garaian. Ebazpena eman aurretik zerga betebeharrak eta Gizarte Segurantzarekikoak betetzen direla egiaztatzeko, Arabako Lurralde Historikoko Dirulaguntzei buruzko urriaren 19ko 11/2016 Foru Arauaren 13.1 artikuluko e) apartatuan zehaztutakoa hartuko da kontuan.

Onuraduna sozietate zibil bat bada, egiaztatu behar da bai sozietateak, bai bazkide guztiak zerga betebeharrak eta Gizarte Segurantzarekikoak betetzen dituztela; beraz, kasu horretan, eskabidearekin batera, sozietatearen eratze agiria aurkeztu beharko da (publikoa edo pribatua), bai eta sozietateko partaide guztiak Ogasunarekin eta Gizarte Segurantzarekin egunean daudela egiaztatzen duten agiriak ere.

3.4. Kide bihurtzeko prozesuan edo funtzionamenduan sexu diskriminazioa eragiten duten erakundeak ezingo dira izan onuradun, hala xedatzen baitu Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, 24.2 artikuluan.

Halaber, ezin izango dute deialdi honetan parte hartu sexu bereizkeriagatik zehapen administratiboa edo penala jasan duten pertsona fisiko edo juridikoek, harik eta zehapenean ezarritako epealdia amaitu arte, ez eta Emakumeen eta gizonen arteko berdintasunerako Legea aplikatuz honelako deialdietan parte hartzeko debekua zehapen gisa ezarri zaien ere, azaroaren 11ko 1/1997 Legegintza Dekretuak, Euskadiko ogasun nagusiaren antolarauari buruzko Legearen testu bategina onartzen duenak, 50.5 artikuluan jasotzen duenez, Legebiltzarraren otsailaren 18ko 4/2005 Legeak, emakumeen eta gizonen arteko berdintasunerakoak, azken xedapenetatik seigarrenean idatzitakoaren arabera.

#### 4. artikulua. Diruz lagundu daitezkeen gastuak

4.1. Proiektuak abian jartzeko inolako zalantzarik gabe lagungarriak diren gastuak, beharrezkoak direnak eta ezarritako epean egiten direnak lagundu ahalko dira diruz.

Araudi honen ondorioetarako, TicketBAI betebeharra betetzeko beharrezkoa den softwarea eskuratzeko, harpidetzeko, emateko, eguneratzeko edo berritzeko gastuak hartuko da diruz lagun daitezkeen gastutzat, baita softwarea instalatzearen eta ezartzearen gastuak ere.

Diruz lagunduko den softwareak Arabako, Bizkaiko edo Gipuzkoako lurralde historikoetako TicketBAI erregistroetako edozeinetan inskribatuta egon beharko du.

Honako hauek ez dira diruz lagunduko:

- Sinadura elektronikoa instalatzeko behar den softwarea.
- Hardwarea edo ekipa informatikoak.
- Aholkularitza edo prestakuntza gastuak.

4.2. Tributuak diruz lagundu daitezkeen gastuak izango dira, baldin eta erakunde onuradunak ordaindu egiten baditu. BEZa eta gainerako zeharkako zergak ez dira inolaz ere diruz lagundu daitezkeen gastutzat joko, berreskuratzeko edo konpentsatzeko modukoak direnean, ezta errentaren gaineko zerga pertsonalak ere.

4.3. Baimenduta dago diruz lagundu daitezkeen aurrekontuaren ehuneko 100eraino azpikontratatzea, 11/2016 Foru Arauak, Arabako Lurralde Historikoaren dirulaguntzenak, 27. artikuluan xedatutako baldintzak betez).

#### 5. artikulua. Aplikazio eremua eta jarduerak gauzatzeko epea

Deialdi honen onuradun diren entitateek 2021eko azaroaren 1etik 2022ko irailaren 30ra arteko aldiari egin beharko dituzte lanak eta/edo inbertsioak.

#### 6. artikulua. Dirulaguntzen zenbatekoak eta mugak

6.1. Diruz lagundu daitezkeen aurrekontuei aplikatu dakiekeen dirulaguntza ehuneko, ehuneko 50 izango da.

6.2. Eskatzaile bakoitzeko gehieneko dirulaguntzaren zenbatekoa 1.000,00 euro izango da.

6.3. Dirulaguntzaren gutxienezko zenbatekoa 200 euro da onuradun bakoitzeko; beraz, dirulaguntza jasotzeko eskubidea izateko, diruz lagun daitezkeen gastuen gutxienezko zenbatekoa 400 euro izango da.

#### 7. artikulua. Dirulaguntzen bateragarritasuna

7.1. Oinarri orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduerak jasotzeko gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira erabaki honetako laguntzekin, baldin eta, bai osotara bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

7.2. Dirulaguntza eskaera aurkeztu eta gero beste laguntzaren bat lortzen bada, ahalik eta lasterren horren berri eman beharko zaio, idatziz, Enplegu, Merkataritza eta Turismo Sustapeneren Zuzendaritzari, zeinak eskatutako laguntza murriztea edo ukatzea proposa dezakeen.

7.3. Dirulaguntza eskatzen duen erakundeak aurretik beste bat jaso edo eskatu baldin badu helburu bererako, hala adierazi beharko du eskaeran.

7.4. Laguntzen deialdi honek bete egingo ditu Europako Batzordearen unean uneko erregelamendu indardunetan ezarritako "minimis" arauak. Ondorio horietarako, Europako Batzordearen

abenduaren 18ko 1407/2013 (EB) Erregelamenduak, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoak, 3.2 artikuluan adierazten du estatu kide batek enpresa bakar bati emandako minimis laguntzen guztizko zenbatekoa ez dela izango 200.000,00 euro baino handiagoa hiru ekitaldi fiskaleko edozein alditan.

## 8. artikulua. Eskaerak aurkezteko epea eta modua

8.1. Eskaerak aurkezteko epea laguntza hauek indarrean jartzen direnean hasiko da eta 2022ko urriaren 3a, 14:00etan bukatuko.

8.2. Eskaerak elektronikoki aurkeztuko dira Arabako Foru Aldundiaren egoitza elektronikoa eskuragarri dagoen erregistro elektronikoa, berariazko izapidearen bidez (<https://egoitza.araba.eus/eu/-/arabako-merkataritza-ticketbai-laguntzak>).

Egoitza elektronikoa zerbitzuak erabiltzeko, nahitaezkoa da modu telematikoan identifikatzea, ziurtagiri elektronikoa baten edo BAKQ sistemaren bidez: <https://web.araba.eus/eu/egoitza-elektronikoa/ezagutu-egoitza/nola-sartu>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoa: <https://web.araba.eus/eu/egoitza-elektronikoa/baimenak>.

8.3. Erakunde eskatzaileek egoitza elektronikoa zehaztutako eskaera inprimakia bete beharko dute eta honako agiri hauek erantsi:

a) Merkataritza jardueraren eta TicketBAI softwarean egindako inbertsioen memoria (sektorea, antzinasuna, kokapena, langileak, egindako inbertsioa, abian jartzeko data, etab.).

b) Ekonomia jardueren gaineko zergaren alta inprimakia, deialdi honetako 3.2 artikuluan aipatutako epigrafeetako batean, gutxienez.

c) Gizarte Segurantzaren Diruzaintza Nagusiak egindako egiaztagiria, laguntza eskatu aurreko 365 egunean izandako batez besteko plantillari buruzkoa (erakunde eskatzailearen kotizazio kontu guztiak barne). Erakundeak alta geroago eman badu, gizarte segurantzaren alta eman zuen egunetik eskaera egin zen egunera arteko aldirako egiaztagiria eskatu beharko da. Era berean, egun horien artean langilerik kontratatu ez bada, enpresaburu gisa erregistratuta egon ez dela adierazten duen txostena edo kotizazio kontuaren kodearen egoerari buruzko txostena aurkeztu beharko da.

d) Inbertsio/jardunen, zeinetarako laguntzak eskatu diren, fakturak. Ez dira onartuko softwarean egindako inbertsioen proforma fakturak edo aurrekontuak. Aurkeztutako inbertsioetako batek kontratu txikien muga gainditzen badu (15.000,00 euro), ondasuna eman baino lehen eskatutako hiru eskaintzen fotokopiak erantsi beharko dira eta zer eskaintza hautatu den adierazi beharko da, eta, aukeratutako eskaintza ez bada onuragarriena, zergatik hautatu den justifikatzen duen txostena aurkeztu beharko da.

e) Aurkeztutako fakturak ordaindu direla egiaztatzeko frogagiriak. Ordainketa frogagiritzat hartuko dira banka elektronikoa bidez egindako banku laburpenak eta/edo transferentzia aginduak, ordainketaren ordaintzailea eta onuraduna, zenbatekoa eta data zehaztuta dutenak. Halaber, ordainagiritzat hartuko dira diruz lagundutako jarduna zehazten duten tiketak (faktura erraztuak), baldin eta Fakturazio Erregelamenduen (maiatzaren 28ko 18/2013 Foru Dekretua) 7. artikuluko 2. eta 3. apartatuetan xedatutakoaren arabera egin badira, hau da: faktura sinplifikatu kualifikatuak, zeinetan hartzailearen IFZ eta helbidea adierazi baitira, bai eta bereizita kontsignatutako zerga-kuota ere, diruz lagundutako jardura zehazten dutenak eta tiketa eginda dagokion ordaindu beharreko kopurua ordaindu dela frogatzen dutenak. Eskurako ordainketen kasuan, frogagiritzat hartuko da faktura egin duen erakundearen ziurtagiri sinatua eta/edo zigilu estanpatua duena, fakturaren zenbakia, zenbatekoa eta ordainketa data zehazten dituenak, baldin eta zenbateko horrek ez baditu berdintzen edo gainditzen 2022an eskudiruzko ordainketei buruz indarrean dagoen araudian ezarritakoak.

f) Dirulaguntza honetarako eskatutako jardueretarako beste diru sarrera batzuk lortu eta/edo eskatu badira, diru sarrera horien edo eskaeraren justifikazioa aurkeztu beharko da.

8.4. Erakunde eskatzaileak baliozkotasuna emango die Enplegu, Merkataritza eta Turismo Sustapenaren Zuzendaritzako laguntza eskabide ereduaren identifikatutako harremanetarako pertsonaren helbide elektronikora bidalitako komunikazio eta/edo eskakizun guztiei.

8.5 Aplikatzekoa den araudiaren arabera, Arabako Foru Aldundiko Enplegu, Merkataritza eta Turismo Sustapenaren Zuzendaritzak ofizioz egiaztatuko ditu honako datu hauek administrazio eskuduneari:

- Zerga betebeharrak egunean izateari buruzko informazioa.
- Gizarte Segurantzarekiko betebeharrak egunean izateari buruzko informazioa.
- Eskatzailearen zerga egoitzari buruzko informazioa.
- Informazioa, ea ordaindu den Ogasunean pertsona fisikoen errentaren gaineko zergaren kontura egin behar diren atxikipenen zenbatekoa (profesionalek jaulkitako fakturen kasuan soilik).

Eskatzaileak ofiziozko egiaztapen horren aurka egin ahal izango du. Hala eginez gero, eskatzaileak aurreko betebeharrak bete dituela egiaztatzen duten agiri guztiak aurkeztu beharko ditu laguntza eskabidean.

8.6. Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeina interesdunaren esku egongo baita, eta Enplegu, Merkataritza eta Turismo Sustapenaren Zerbitzuaren eskura egon beharko dute hala eskatzen zaionean.

Administrazio Publikoaren Administrazio Prozedura Erkidearen urriaren 1eko 39/2015 Legearen 28.7 artikuluan xedatutakoaren arabera, erakunde onuraduna da aurkeztutako dokumentazioa egiazkoa izatearen erantzule.

Nolanahi ere, Enplegu, Merkataritza eta Turismo Sustapenaren Zerbitzuak aukera izango du beste dokumentu batzuk ere eskatzeko, egoki baderitza memorian aipatzen dena egiaztatzeko.

8.7. Faktura elektronikoki aurkeztuz gero, Factura-e motako estandarren arabera izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektronikoki kualifikatuaren eskaintzaileen konfiantzazko zerrendan jasotako ziurtagiriak: <http://sede.minetur.gob.es/Prestadores>.

8.8. Ez da onartuko dirutan ordaintzea eragiketaren zenbatekoa, baldin eta 2022ko ekitaldirako indarreko araudian finkatzen den zenbatekoa bada edo handiagoa edo haren kontrabaloa atzerriko monetan.

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

## 9. artikulua. Emateko prozedura

9.1. Dirulaguntza emateko prozesua lehia irekia izango da. Deialdi honen ondorioetarako lehia librea funtsak eskaerak jaso ahala banatzeko prozedura da, sarrera erregistroaren hurrenkera lehenetsiaren arabera eta deialdian ezarritako baldintzak betetzen badira, aurrekontu hornidurek ahalbidetu arte. Aurkeztutako dokumentazioa osagabea bada eskatzaileak eskatutako dokumentazio osoa aurkezten duen data izango da aurkezpenarena.

9.2. Aurrekontua agortutakoan, Arabako Foru Aldundiak erabakia emango du deialdian erabilgarri dagoen aurrekontua agortuzat joz. Erabilgarri dagoen kredituaren zenbatekoa agortzen den unearen ondoren jasotako eskaerak erreserbako eskaeren zerrenda batean geratzeko dira. Uko egitearen, ezarritako baldintzak ez betetzearen eta beste edozein zioen ondorioz geldikinak geratuz gero, Enplegu, Merkataritza eta Turismo Sustapenaren Zuzendaritzak dirulaguntzak esleitu ahalgo dizkie zerrenda horretan sartutako eskaerei eskabidea aurkezteko ezarritako ordena betez eta Arabako Foru Aldundiaren aurrekontua ixteko data ahalbidetzen badu.

9.3. Prozedura Enplegu, Merkataritza eta Turismo Sustapenaren Zuzendaritzak izapidetuko du eta dirulaguntza proposamen arrazoituak organo eskudunari igorriko dizkio. Kudeaketa horretan sor litezkeen gorabeherak ebazteko batzorde bat eratuko da. Enplegu, Merkataritza eta Turismo Sustapenaren zuzendariak, Zuzendaritza horren zerbitziburutzak eta zerbitzu horretako teknikari batek osatuko dute. Idazkari jardungo du teknikari horrek.

#### **10. artikulua. Ebazteko eta jakinarazteko epea**

10.1. Organo eskudunak, bidezko deritzon ebazpena emango du. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoaren Administrazio Prozedura Erkidearen urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.2. Jakinarazitako ebazpen horrek administrazio bidea agortzen du, baina, Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera, aukerako berraztertze errekurtsoa aurkez dakioke Foru Gobernu Kontseiluari, egintza jakinarazi ondorengo egunean hasi eta hilabete igaro baino lehen, edo, bestela, zuzenean aurkaratu daiteke Gasteizko administrazioarekiko auzietarako epaitegien aurrean, egintza jakinarazi ondorengo egunean hasi eta bi hilabete igaro baino lehen.

#### **11. artikulua. Dirulaguntzen ordainketa**

11.1. Dirulaguntzen ebazpena onesten denean likidatuko dira dirulaguntzak.

11.2. Profesionalek igorritako fakturei dagokienez, onuradunak pertsona fisikoen errentaren gaineko zergaren kontura egin behar diren atxikipenen zenbatekoa ordaindu beharko du. Kasu horretan, onartu egingo da justifikatu beharreko ordainketa egiteko betebeharra, eta Arabako Foru Aldundiaren ardura izango da ordainketa horiek egiaztatzea eta dagokion justifikazio txostena egitea. Baldin eta egiaztatzen bada egin beharreko atxikipenak ez direla sartu, dirulaguntza itzultzeko eta hari dagozkion interesak ordaintzeko eskatuko da.

#### **12. artikulua. Interpretazioa eta garapena**

Enplegu, Merkataritza eta Turismo Sustapenaren eta Foru Administrazioaren Saileko foru diputatuari ahalmena ematen zaio foru ebazpen hau zuzen garatzeko, aplikatzeko eta interpretatzeko beharrezko den xedapen oro onar dezan.

#### **13. artikulua. Emandako laguntza onartzea**

Laguntza ematearen jakinarazpena jaso eta 15 eguneko epean erakunde onuradunak hari berriaz uko egin ez badio emateko ebazpenean ezarritako baldintzetan onartu dela ulertuko da.

#### **14. artikulua. Araubide juridikoa**

Erabaki honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onartutako oinarri arautzaile orokorretan ezarritakoaren mendean dago, bai eta honako hauek dirulaguntzei buruz xedatzen dutenaren mendean ere: urriaren 19ko 11/2016 Foru Araua, Arabako Lurralde Historikoaren Dirulaguntzarena; azaroaren 17ko 38/2003 Lege Orokorra, dirulaguntzena, eta uztailaren 21eko 887/2006 Errege Dekretua, azaroaren 17ko 38/2003 Lege Orokorraren, dirulaguntzenaren, araudia onartzen duena, baita dirulaguntzei buruzko geroko xedapen guztiak ere.